



ՍՈՎԵՏԱԿԱՆ ՀԱՅԱՍՏԱՆՈՒՄ

ՄԱՐՏԻՐՈՍ ՏԵՐ-ՍՏԵՓԱՆՅԱՆ

ԵՐԵՎԱՆՅԱՆ ՏՊԱՎՈՐՈՒԹՅՈՒՆՆԵՐ՝

15. ԲԵՐՈՒԱ ԱՎԱՆՐ

Շահումյան փողոցի վրա, պարզ ու կոկիկ մի շենք է մերձքաղաքային երթևեկության ավտոկայանը, որտեղից մեր ընդարձակ մայրաքաղաքի հեռավոր թաղամասերը մեկնում են հանգստավետ ավտոբուսներ, դանազան ուղղությամբ փոխադրելու համար ուղևորներին:

Կիրովի անվան մանկական մշտադպրար այգին, իր ծառերովն ու ծառուղիներովը, ծաղիկներովն ու ծաղկաստանովը ավելի հաճոյալի է դարձնում այս կայարանը, որ եռուն ու կյանքոտ տեսարան է պարզում օրվա մեկն ժամին՝ շրջաններից դեպի մայրաքաղաք ժամանող կամ մայրաքաղաքից դեպի շրջանները մեկնող ավտոների և ճանապարհորդների ներկայությամբ: Այստեղ, կայանում, ամեն ինչ ընթանում է կանոնավոր: Երկարատև ու հյուժիշ սպասում գոյություն չունի, որովհետև մեկնած ավտոբուսի տեղ մի ուրիշը ժամանել է արդեն և ուղևորը, տոմսարկղից տոմսը վերցնելուց հետո, նրստում է ավտոյի մեջ: Որոշյալ ժամկետին ավտոբուսը շարժվում, մեկնում է կատարելու համար իր երթուղին, թեկուզ տոմսը վերցրած մի ուղևոր բացակայի:

Ավտոկայանից և այնտեղ սահմանած կարգ ու կանոնից իմ ստացած տպավորությունը ճիշտ պատկերացնելու համար, պետք է ճանապարհորդած լինել Թյուրքիայում, Միջին

Արևելքի կամ այլ դրամատիկական երկրներում, ուր ուղևորական ավտոների հատուկ ցարածներում տիրապետում են դժոխային ժխորը, գոռում-գոչումը, հայհոյանքն ու կոկիկը: Այնտեղ, այդ երկրներում տեղափոխությունը խոշոր տաժանք է, չարչարանք: Քսան ուղևորի սահմանված ավտոբուսը, այնտեղ, մինչև տանիքը լցվում է իր տարողությունից եռապատիկ ավելի ուղևորներով ու բռններով՝ սեփականատիրոջ օգտին ավելի մեծ շահույթ ապահովելու նպատակով: Եվ այս իրադրության հետևանքը լինում է այն, որ ավտոյի արկածները դառնում են հաճախակի և բազմապատկվում ուղևորների մահացման դեպքերը: Այդ երկրներում, օրինազանց մեքենավարն ու ոստիկանը ունեն իրենց հասարակաց լեզուն: Օրինազանց մեքենավարը երբ ճանապարհի վրա հանդիպի երթևեկության վերահսկող ոստիկանին, հստակորեն տեսանելի ձևով, գործ է ածում իր երկու ձեռքերը, տանելով կրծքի վրա: Եթե մեքենավարը մի ձեռքի հինգ մատները լայնորեն բանալով դրել է կրծքի մի կողմի վրա, նշանակում է, որ ոստիկանին խոստանում է հինգ ոսկի կաշառք տալ օրինազանցության մասին աչք խփելու համար, իսկ եթե երկու ձեռքերը խաչաձև դրել է կրծքին, վարձատրությունը պետք է լինի կրկնապատիկը: Այստեղ, Սովետական երկրում, դուք չեք հանդիպի նման օրինակ երևույթների, որովհետև և՛ մեքենավարը, և՛ ուղևոր, և՛ միջոցիներ, գիտակցորեն և հավասարապես չարդում են պետական օրենքները ու նյու-

1. Շարունակված ամսագրի 1952 թվականի հուլիսի, օգոստոսի, սեպտեմբերի, հոկտեմբերի, նոյեմբերի-դեկտեմբերի և 1953 թվականի փետրվարի համարներից:

թապես բավարարված լինելով պետության կողմից, կարիք չունեն խարդախության դիմելու:

Հայոց ճանապարհի այն կողմում, որտեղ դեպի Բերիա և Հայաստանի հյուսիսը տանող խճուղին բաժանվում է դեպի էջմիածին տանող խճուղուց, ես հիշեցի հանգուցյալ Տ. Վարդան քահանա Վարդերեսյանին, որի մարմինը, համարյա մի ամիս առաջ, փետրվարի վերջերին, Վեհափառ Տ. Տ. Գեորգ Զ. Կաթողիկոսի բարձր տնօրինությանը ամփոփվեց Ս. Գայանեի վանքի բակում: Երկարատև հիվանդությունից (ջրգողությունից) վախճանած հիշյալ քահանայի հուղարկվողությունը, կատարված՝ գերաշնորհ Տ. Սահակ սրբազան եպիսկոպոսի նախագահությանը և վարդապետների ու քահանաների դասի մասնակցությամբ, ինչպես նաև հանգուցյալի հարազատների, հայրենակիցների ու բարեկամների հոծ բազմության ներկայությամբ, իմաստալից մի դաս էր բոլոր նրանց, ովքեր, արտասահմանում մոլորած, «թողլթ հովվական» կամ «բանադրանք» են ստորագրում Սփյուռքի հայերին ուժացնելու համար իրենց հարազատ Հայրենիքից՝ Սովետական Հայաստանից և իրենց սիրելի Հայաստանյայց Առաքելական Եկեղեցուց, Մայր Աթոռ Ս. Էջմիածնից և Ամենայն Հայոց Հայրապետությունից: «Սփյուռքի հայերը շատ լավ են ճանաչում բոլոր նրանց, ովքեր անցյալում և այժմ էլ կարեկներ խոցոտել ու խոցոտում են հայ ժողովրդի սիրտը հանուն կրոնի. հանուն կարդինալական ծիրանի զգեստների, հանուն մամոնայի, հանուն աթոռամոլության և շահասիրության: Սփյուռքի հայերը, ինչպես անցյալում ու ներկայումս եղել են ու են հավատարիմ զավակները Հայաստանի ու էջմիածնի, հետագաբարում ևս և միշտ պիտի լինեն պատվար՝ արտասահմանյան և՛ օտար, և՛ ներքին ամեն տեսակի ոտնձգությունների դեմ, որոնք պիտի նկրտեն թուլացնել իրենց և Հայաստանի ու էջմիածնի միջև գոյություն ունեցող հարազատի ու ծնողի անքակտելի կապը», — խորհում եմ ես մտովի, ու թիկունք տված պանդուխտ Արարատին, նախում եմ քառագագաթ Արագածին, որ ձյան ներքև ծածկված, արծաթափայլ շողջողում է Հայաստանի վառ արևի ցոլքերի տակ:

Բոլոր ուղեւորներս ավուդից իջնում ենք Նոր-Մալաթիայում:

Նոր-Մալաթիան՝ Բերիա ավանի երրորդ թաղամասն է, հյուսիսից դեպի հարավ՝ առաջինը լինելով Նոր-Սեբաստիան, երկրորդը՝ Չարփախը կամ Դավան, իսկ չորրորդը՝ Նելսոն Ստեփանյան թաղամասը, շրան էլ մարզարիտների նման շարված ասֆալտե ճանապարհի երկու եզերքներին:

Բերիա ավանի վերահիշյալ չորս թաղամա-

սերի բնակիչների մեծամասնությունը բաղկացել է հայրենադարձներից, որոնք արժանավոր հոգատարություն: Յուրաքանչյուր ընտանիք, պետության տրամադրած վարկով, կառուցել է իր բնակարանը, սնամեքծ պարտեզով: Բոլոր բնակարաններն էլ առանց բացառության էլեկտրիֆիկացված են և զուլալ ջուրը մշտապես հոսում է հարմար կետերի վրա զետեղված աղբյուր-ծորակներից:

Յուրաքանչյուր թաղամաս ունի իր կինոն, թատրոնը, կուլտուրայի տունը, գրական ապակները՝ կից խմբակներով, գրադարանը և մանավանդ լրիվ միջնակարգ (տասնամյա) դպրոցները, որտեղ մասնավոր հոգատարության առարկա են դառել հայրենադարձ աշակերտները: Ղեկավար մարմինների հատուկ կարգադրությամբ, արտաժամյա խմբակներ զբաղվել են այդ աշակերտների ուսումնական մակարդակը բարձրացնելու գործով: Ու հիմա, նրանց միջին առաջագիմությունից գոհ են դպրոցների ղեկավարները: Բերիա ավանի բնակիչ, ավելի քան քսան հայրենադարձ երիտասարդներ Երևանի համալսարանում մասնագիտական ուսում ստացած, ներկայումս պաշտոնավարում են շրջանի դպրոցներում որպես ուսուցիչ և շինարարական աշխատանքներում՝ որպես երկրաչափ: Հիշեմ նրանցից Սարգիս Յափուջյանը և Աղաթ Յափուջյանը (Հալեպից), որոնք ավարտելով Երևանի պետական համալսարանի ֆիզիոլոգիական ֆակուլտետի հայկական բաժանմունքը, հայոց լեզվի դասատու են նշանակված առաջինը՝ Դավիթաշենի և երկրորդը՝ Անաստասյանի դպրոցներում: Չպետք է մոռանալ, որ Հայաստանի դպրոցներում հայոց լեզվի դասատու լինելը այնքան էլ հեշտ գործ չէ, նկատի ունենալով, որ այստեղ, ընդհանուր ուսման հիմքն է հայ գրական լեզուն: Ավանի միջնակարգ դպրոցներում, օտար լեզվի դասատու են օրիորդ Դամասկուհի Պուրսալյանը (սսեցի), Ավետիս Ավետիսյանը (Հունաստանից) և «Պասկալ» մակդիրով ծանոթ Հարություն Մարգարյանը (Ֆրանսիա—Լիտինից), երեքն էլ վկայված Երեմիայի Օտար լեզուների պետական մանկավարժական ինստիտուտից: Այստեղ, Նոր-Մալաթիայի № 2 միջնակարգ դպրոցի գրադարանի վարիչն է գեթոնցի վիպագիր Սմբատ Բյուրատի որդին՝ Վաղինակ Բյուրատը, որի տղան հետևում է Երևանի Պոլիտեխնիկ ինստիտուտի փոսթերին:

Գյուլատնտեսական, կուլտնտեսական, արհեստագործական և ճարտարարվեստական աշխատանքներում ևս առաջ են քաշված հայրենադարձ բազմաթիվ ընդունակ երիտասարդներ: Նրանցից շատերը շրջանի գործարաններում ու կոմբինատներում աշխատում

են որպես ցեխի վարիչներ ու ենթավարպետներ: Շրջանում գոյութիւն ունեցող գուլպայի և տրիկոտաժի պրոմկոմբինատը, Ստալինի անվան տրիկոտաժի գործարանը, Շահումյանի անվան մետաքսագործվածքային գործարանը և տեղարդկոմբինատը լայնորեն բացել են իրենց դռները հայրենադարձ բանվորների ու բանվորուհիների համար:

Արտասահմանում, օտար գործարանների մեջ աշխատող ոչ մեկ հայ վարպետ կարողացել է ու կկարողանա հասնել այն պատ-

ինչպես Հայաստանի մեծ ու փոքր կենտրոններում՝ քաղաքներում ու գյուղերում, Բերիա ավանի չորս թաղամասերում ևս մեծ կարևորութիւն է տրվում բուժապասարկման: Այստեղ կա բուժարան՝ իր բոլոր բաժանմունքներով, ծննդատուն, բժշկական և առողջապահական կետեր ու տրոպիկական կայան, որտեղ լուրջ պայքար է մղվում տրոպիկական հիվանդութիւնների, հատկապես մալարիայի դեմ, որը համարյա 100 տոկոսով անհետանալու վրա է՝ համեմատած նախասովետական շրջանին:



Նոր-Մալաթիայի կիւնո-թատրոնը

վին, որին արժանացել է Ամերիկայից ներգաղթած Պարզե Զուբասըղյանը: Նրա նկարագրողած կրեպ դը շին, կրեպ մարոկեն, մարգիդետ և այլ մետաքսի նուրբ գործվածքները, որոնք պատրաստվում են Շահումյանի անվան մետաքսագործվածքային գործարանում, համամիութենական համբավի են տիրացել արդեն իսկ իրենց գեղեցկութամբ: Եվ պետութիւնը վարձատրում է ոչ միայն բարոյապես՝ մեղաներ ու պատվոգրեր շնորհելով գյուտարար աշխատավորներին, այլև նյութապես պարգևատրելով նրանց, ապահովելով ամենքի բարեկեցութիւնը:

Բերիա ավանի չորս թաղամասերում՝ Նոր-Սեբաստիայում, Չարփախում, Նոր-Մալաթիայում և Նելսոն Ստեփանյանում, ես հանդիպեցի բազմաթիվ ծանոթների, ինչպես Գուլումջյան ընտանիքը (դոկտոր-յուլցի—Հայկալից), Չիլյան, Այանյան ընտանիքները (Քեսապից), Կահիրեի (Եգիպտոս) հայ եկեղեցու ժամկոչի ընտանիքը, իմ հորեղբոր թոռնորդին՝ Արամ Տեր-Ստեփանյանի ընտանիքը (Քեյրութից) և չորք-մարզպանցի Սահակ Ճերմակյանի որբեայրի կնոջ՝ Երանուհու ընտանիքը (Սուր—Լիբանանից), և վերջապես վաղեմի ուսուցիչ Նազարեթ Աբու-

սեֆյանը (Գրըրգ-Խանից), որ արտասահմանում ամուրի, «գլուխը դնելիք մի տեղ» չէլ ունեցել, մինչդեռ Հայաստանում, 60 տարեկանից հետո ամուսնացել և մի սիրունիկ աղջիկ երեխայի հայր էր եղել, միանգամայն պետության սնտուկից ծերության թոշակ ստանալով։ Նրանք, բոլորն էլ, Մայր Հայրենիքում անվտանգ ապրող լիիրավ սովետական քաղաքացու ինքնագոհ ու հպարտ ժպիտն ունեին իրենց դեմքերին։ Բայց իմ ուրախությունն անշափ մեծ եղավ տեսնելով Նայի Յաղուբյանին, Զեքել-Մուսայի քառասուն օրերի հերոսամարտի (1915 թ.) քաջասիրտ մարտիկին, որի հասակը, հակառակ իր կյանքի 76 տարիների ոչ զանցառելի բեռան, էլի՜ մնում էր ուշիղ, Հայաստանի երկնաշրջի բարդիների նման սլացիկ։

— Այս՝ իմ մեծ տղան է, Հակոբը, ներկայումս կոլխոզնիկ, — ասաց նա ներկայացնելով իր ընտանիքի անդամներին. — այս՝ երկրորդ տղաս է, Վարդգեսը, որ 1947 թվականին ավարտելով Կիպրոսի Մելքոնյանի անվան կրթական ինստիտուտը, վերադարձավ Բելյուս և միևնույն օրը նստեց սովետական նավն ու մեզ հետ ներգաղթեց Հայաստան։ Այս տարի նա ավարտելու է Հայաստանի պետական համալսարանի ֆիզիոլոգիական ֆակուլտետի ռումանո-գերմանական բաժինը, որն ընդգրկում է եվրոպական գրականությունն ու անգլերեն, ֆրանսերեն ու գերմաներեն լեզուները։ Այս մյուսը՝ Գեորգն է, որը գործարանում աշխատում է որպես փաթաթման ցեխի ենթավարպետ, իսկ Զոհրաբը այստեղ ներկա չէ, նա մեքենավար է. փոքր աղջիկս էլ դպրոցական է։

Ես հաջողության ցանկությունս եմ հայտնում երիտասարդ ուսանող Վարդգեսին, որը խորը թաղված մեծածավալ դասագրքի ուսումնասիրման աշխատանքի մեջ, պատրաստվում է ուսումնական տարեվերջին կատարելիք պետական քննություններին։

— Այս ծիրանին ես իմ ձեռքովն եմ տրնկել, բայց նրա սեփականատերը՝ Հակոբ տղաս՝ սիրով թույլ պիտի տա, որպեսզի դու ուտես նրա պտուղից, — ասում է Նային ժպտալով. մի տեսակ կտակ՝ կատակի դիմակի տակ։

Հետո, իր որդիների ընկերակցությամբ, նա ինձ տանում է իր նորակառույց բնակարանի մոտ, որի մեջ, մոտիկ ապագայում, նա ամփոփելու է ներկայումս տարբեր շենքերում բնակվող իր որդիներին, ինչպես սովորություն էր նահապետական շրջաններում։ Պետությունը, նորերս, վարկ է տրամա-

դրել իրեն և ահա, նա ուրախ ու երջանիկ է իր տան ամեն օր թիզ առ թիզ բարձրացող տոֆթարաշեն պատերի առջև։

— Բացման օրը սեղանս պատվել խոստացած է ինձ Նաիրի Զարյանը, — ասում է Նային ներքին գոհունակությամբ, որի մեջ զգացվում է սովետահայ մեծանուն գրողին ճանաչելու հպարտությունը։

Ես, արտասահմանում եղած ժամանակս, «Սովետական Հայաստան» ամսագրում կարդացել էի սովետահայ ժանրի գրող Վախթանգ Անանյանի ակնարկը հայրենադարձ Նայի Յաղուբյանի մասին և ուրախացել այն բանի համար, որ Հայաստանի գրողները մոտիկից էին հետաքրքրվում հայրենադարձ արժեքների հետ։ Բանաստեղծ, գրագետ, թատերագույն և վիպասան Նաիրի Զարյանի վերոհիշյալ խոստումը մեծագույն փաստն է այդ եղբայրական հետաքրքրության և հոգատարության։ Եվ անտարակույս, հայ նշանավոր գրողը, Նայի Յաղուբյանի արտասահմանյան երկարատև կյանքի մեջ պիտի գրտնի հետաքրքիր ու դրվատիքի արժանի հերոսական դրվագներ, որովհետև այդ պարզունակ գյուղացու՝ շեքել-մուսացու կյանքը, սփյուռքահայ պատմության վերջին 60—65 տարիների ընդգրկած մի շարք ազգային իրադարձությունների հետ կապ է ունեցել։

— Իմ երջանկությունը չափ ու սահման չունի ոչ միայն նրա համար, որ իմ զավակների կյանքն ու ապագան ապահովվել են շնորհիվ մեր հարազատ պետության, այլ մանավանդ նրա համար, որ այս ծնունդը, այս սարերը, այս հողերն ու այս երկինքը մե՛րն են — ասում է Նային խաղաղամտությամբ և միևնույն շնչով ավելացնում. — ես, Ս. Տաճարի քաղերը համբուրելու համար, ոտով եմ գնացել մինչև Էջմիածին։ Ես ինձ անշափ երիտասարդ եմ զգում Հայրենիքի մեջ, որը մեզ պարգևել է Սովետական Միությունը։ Փառք Սովետական Միության իմաստուն կառավարության։

Արևը թեքվել էր դեպի մայրամուտը։ Ես ու Նային միասին բարձրացանք Նոր-Սեբաստիայի զառիվերը։ Արևմտահայ նշանավոր երգիծաբան Հակոբ Պարոնյանի անվան փողոցի վրա գտանք Յափուջյանների բնակարանը. չէ՞ որ Սարգիսն ու Աղասը ուսուցիչ էին եղել Ալեքսանդրեոսի ազգային դպրոցում, որի տնօրենն էի եղել ես։ Մեր ողջագուրումը Ազատի հետ եղավ մտերմական։ (Սարգիսը իր նշանածի՝ օրիորդ Պուրսլյանի հետ, գնացել էր Երևան)։ Եկավ նաև նրանց հայրը՝ Արթին Յափուջյանը։ Ու հետո պատրաստվեց սեղանը՝ ըստ Հայաս-

տանյան սովորության: Զաշին հաջորդեցին սուրճն ու խոսակցությունը:

— Երջանիկ եմ, չափից դուրս երջանիկ, — ասում է Յափուջյանենց հայրը, — իմ վեց տղամարդ զավակների հետ, որոնք շնորհիվ մեր հարազատ կառավարության ստացել են բարձրագույն կրթություն կամ տիրացել արհեստներին: Ես ձեռքովս եմ մշակում տնամերձ հողամասը ու պահում իմ սեփական կովը, որն օրական տալիս է 18—20 կիլոգրամ կաթ: Մի երկու ամիս հետո իմ տնկած ծառերն էլ կծլեն, կծաղկեն ու պտուղ կտան: Այն ժամանակ էլ համեցեք:

Ու պատկերացրեք, որ ներկայումս Երևանից ըստ բավականի հեռու նկատված Բերիա ավանը, շատ մոտիկ ապագայում դառնալու է Երևանի մերձավոր արվարձաններից մեկը, երբ Նոր-Արաբկիրի մոտ, Հրազդանի անդուպ ջրերի վրա կամար կապի այժմ կառուցվող հսկա կամուրջը:

Գիշերվա ժամը 10-ն է: Հրաժեշտ ենք տալիս Յափուջյան ընտանիքին: Տասնհինգօրյա լուսինն իր կաթնային լույսն է փռում Արա-

րառյան դաշտի վրա, բայց ո՛չ այն սգավոր լույսը, որի մասին գրել է Հայր Ղևոնդ Ալիշանն իր «Լուսնկայն գերեզմանաց Հայոց» քերթվածում, այլ ուրախ, կենսախայտ լույսը, վերածաղկող Սովետական Հայաստանի հսկայական վերելքն արտացոլող և այն արծաթօժող ու առավել ևս գեղեցկացնող պայծառ լույսը:

Նոր-Մալաթիայի գեղակերտ կինոյից, ինչպես մեղունները փեթակից, դուրս է ելնում ցնծուն երիտասարդությունը՝ հայ երգը շրթներին:

— Ա՛յ, ես ձեր հոգուն ծատաղ, — ասում է Ծսալի Յաղությանն ու ինձ նստեցնում Երևան վերադարձող մեծ ու հանգստավետ ավտոբուսի մեջ:

Ու ես հիացմունքով եմ դիտում Արաքսյան հովտի հայկական գյուղերը, որոնք հեռուն, էլեկտրական լույսի հեղեղի տակ շողշողում են աստղազարդ երկնքի նման, մինչ անթափանցելի խավարն է տիրապետում Արաքսի մյուս ափի վրա....

